

Ўзбекистон Республикаси

Президентининг Қарори

Ўзбекистон Республикаси Президентининг
Қарори

Худудларни комплекс ривожлантиришни таъминлашда маҳаллий давлат бошқаруви органлари фаолиятини такомиллаштиришга оид қўшимча чора-тадбирлар тўғрисида

■ LexUZ шарҳи

Мазкур қарор Ўзбекистон Республикаси Президентининг 2017 йил 16 мартағи ПҚ-2840-сонли «Ўзбекистон Республикаси Иқтисодиёт вазирлиги ҳудудий бошқармалари фаолиятини ташкил қилиш чора-тадбирлари тўғрисида»ги [қарорига](#) асосан ўз кучини йўқотган.

Худудларни комплекс ва мутаносиб тарзда ривожлантиришни таъминлаш, минтақаларнинг мавжуд табиий-хомашё, ишлаб чиқариш ва меҳнат салоҳиятидан оқилона фойдаланиш, ишлаб чиқариш кучларини оптимал жойлаштириш ҳамда аҳолининг турмуш даражаси ва сифатини изчил ошириб бориш, шунингдек маҳаллий ижроия ҳокимият органлари фаолиятини ташкил этишни янада такомиллаштириш ва унинг самарадорлигини ошириш бўйича тизимли дастурий чора-тадбирларни амалга ошириш мақсадида:

1. Вилоятлар ва Тошкент шаҳар ҳокимликлари, Ўзбекистон Республикаси Иқтисодиёт вазирлиги ҳамда Молия вазирлигининг:

вилоятлар ва Тошкент шаҳар ҳокимликларининг бошқарув аппарати тузилмасида, тегишли равишда вилоятлар ва Тошкент шаҳрининг иқтисодиёт бош бошқармаларини тугатиб, ҳудудни комплекс ривожлантириш йиғма бошқармаларини;

туман ва шаҳар ҳокимликларининг бошқарув аппарати тузилмасида тугатилаётган туман ва шаҳар иқтисодиёт бўлимлари негизида ҳудудни комплекс ривожлантириш бўлимларини ташкил этиш бўйича таклифи қабул қилинсин.

2. Қорақалпоғистон Республикаси Вазирлар Кенгashi бир ой муддатда Қорақалпоғистон Республикаси Иқтисодиёт вазирлигининг фаолиятини янада такомиллаштириш ва мустаҳкамлаш бўйича Ўзбекистон Республикаси Вазирлар Маҳкамасига таклифлар киритсин.

■ LexUZ шарҳи

Қаранг: Ўзбекистон Республикаси Вазирлар Маҳкамасининг 2016 йил 14 апрелдаги 113-сонли «Қорақалпоғистон Республикаси Иқтисодиёт вазирлиги фаолиятини янада такомиллаштириш чора-тадбирлари тўғрисида»ги [қарори](#).

3. Ҳудудларни комплекс ривожлантириш йиғма бошқармаларининг асосий вазифалари ва йўналишлари этиб қуидагилар белгилансин:

ҳудудларнинг иқтисодий ва ижтимоий ривожланиш даражасини тизимли асосда таҳлил қилиб бориш, мавжуд номутаносибликлар, захиралар ва ишлаб чиқаришга жалб этилмаган минерал-хомашё, меҳнат ва ишлаб чиқариш салоҳиятини аниқлаш, унинг асосида ва мамлакатни истиқболда ижтимоий-иқтисодий ривожлантиришнинг стратегик устувор йўналишларидан келиб чиқсан ҳолда, ҳудудларни комплекс тарақкий эттиришнинг жорий ва ўрта муддатли дастурларини ишлаб чиқиши, минтақалар иқтисодиётини чуқур таркибий ўзгартириш ва диверсификациялаш;

тармоқ тузилмалари билан биргаликда минтақаларнинг саноат потенциалини жадал ривожлантириш, минерал-хомашё ва қишлоқ хўжалиги маҳсулотларини саноат асосида янада чуқур қайта ишлаш бўйича янги юқори технологияли ишлаб чиқаришларни ташкил этиш, юқори қўшилган қийматли рақобатдош маҳсулотлар чиқаришни ташкил этиш ва шунинг асосида экспортга етказиб берилаётган маҳсулотлар ҳажми ва турларини кўпайтириш бўйича дастурий чора-тадбирлар ишлаб чиқиши;

ҳудудий инвестиция дастурлари ишлаб чиқишни таъминлаш ва амалга оширилиши, янги ишлаб чиқариш обьектлари қуриш ва ўз вақтида ишга тушириш ҳамда амалдагиларини модернизациялашнинг бориши устидан мониторинг олиб бориш, республика иқтисодиётини ривожлантиришнинг ўрта ва узок муддатли тасдиқланган дастурларига киритилган йирик инвестиция лойиҳаларини бажаришда кўмаклашиш, пудрат ташкилотларини мутаносиб тарзда ривожлантириш ва моддий-техника базасини мустаҳкамлаш чора-тадбирларини рўёбга чиқариш, минтақавий инвестиция дастурларини амалга оширишга хорижий инвесторларни жалб этиш бўйича фаол иш олиб бориш; муҳандислик, йўл-транспорт ва телекоммуникация инфратузилмасини илдам ривожлантириш, транспорт хизмати кўрсатишни янада яхшилаш, уй-жой — коммунал хизматлари кўрсатиш даражаси ва сифатини тубдан ошириш, аҳолини сифатли ичимлик суви ва санитар тозалаш тизими билан таъминлаш, аҳоли пунктларини ободонлаштириш бўйича дастурий чора- тадбирлар ишлаб чиқиши;

қишлоқ хўжалигини янада ривожлантириш, ер-сув ресурсларидан оқилона фойдаланиш ва қишлоқ хўжалиги экинларини мақбул жойлаштириш, қишлоқ хўжалиги ишлаб чиқаришини таркибий жиҳатдан ўзгартириш, замонавий агротехнологияларни ва сувдан тежамли фойдаланиш усувларини жорий этиш, ерларнинг мелиоратив ҳолатини яхшилаш, қишлоқ хўжалиги хом ашёсини янада чуқур қайта ишлаш ҳамда мева-сабзавот ва гўшт-сут маҳсулотларини сақлаш учун музлатиш қувватларини ташкил этишини чуқур таҳлил қилиш ва бу ишларни такомиллаштириш юзасидан таклифлар ишлаб чиқиши;

минтақадаги демографик жараёнлар ҳамда аҳолининг жинс ва ёш таркибини,

унинг бандлик даражаси ва таркибини тизимли таҳлил қилиш, шунинг асосида ишлаб чиқариш кучларини мақбул жойлаштириш ва янги иш ўринлари яратиш ҳисобидан банд бўлмаган аҳолини, айниқса ёшларни иш билан таъминлаш, аҳоли турмуш даражаси ва сифатини янада ошириш, ижтимоий инфратузилмани ривожлантириш, уй-жой шароитларини яхшилаш, аҳолига тиббий, таълим ва ижтимоий-маданий хизмат кўрсатишни янада такомиллаштириш бўйича таклифлар тайёрлаш.

4. Қўйидагилар:

вилоятлар ва Тошкент шаҳар ҳокимликлари бошқарув аппаратининг ҳудудларни комплекс ривожлантириш йиғма бошқармаларининг намунавий тузилмалари 1 ва 1а-иловаларига* мувофиқ;

ҳудудларни комплекс ривожлантириш йиғма бошқармалари ва бўлимлари ходимларининг чекланган сони 2 ва 2а-иловаларига* мувофиқ;

ҳудудларни комплекс ривожлантириш йиғма бошқармалари ходимларининг меҳнатига ҳақ тўлашнинг табақалаштирилган разрядлари 3-иловага* мувофиқ тасдиқлансан.

5. Белгилансинки:

ҳудудларни комплекс ривожлантириш йиғма бошқармалари вилоятлар ва Тошкент шаҳар ҳокимларига, ҳудудларни комплекс ривожлантириш бўлимлари эса, тегишли равишда шаҳар ва туман ҳокимларига бевосита бўйсунади;

ҳудудларни комплекс ривожлантириш йиғма бошқармаларининг бошлиқлари Ўзбекистон Республикаси Иқтисодиёт вазирлиги билан келишилган ҳолда тегишли вилоят ва Тошкент шаҳар ҳокимларининг қарорлари билан лавозимларга тайинланадилар ва озод этиладилар;

шаҳар ва туман ҳокимликларининг ҳудудларни комплекс ривожлантириш бўлимлари бошлиқлари лавозимига тегишли вилоят ва Тошкент шаҳар ҳокимлари билан келишилган ҳолда туман ва шаҳар ҳокимларининг қарорлари билан лавозимларга тайинланадилар ва озод этиладилар.

6. Вилоятлар ва Тошкент шаҳар ҳокимликларининг ҳудудларни комплекс ривожлантириш йиғма бошқармаларини кадрлар билан тўлдириш ва сұхбат ўтказиш Комиссияси 4-иловага* мувофиқ таркибда ташкил этилсин.

* 1 — 4-иловалар рус тилидаги матнда берилган.

Комиссия (Р. Азимов) вилоятлар ва Тошкент шаҳар ҳокимлари билан биргаликда: икки ой муддатда сұхбат ўтказиб, йиғма бошқармаларни малакали кадрлар билан тўлдирсинг, унда уларнинг касбий тайёргарлиги, ҳудуд иқтисодиётини ривожлантириш масалаларини чуқур билиши, иқтисодиётни таркибий жиҳатдан ўзgartиришни чуқурлаштириш ва диверсификациялаш вазифаларини ҳал этишдаги ташаббускорлигига алоҳида эътибор қаратсин;

йиғма бошқармалар ва бўлимлар ходимларининг малакасини ошириш, шу жумладан уларни ўқув курсларига юбориш, республиканинг вазирлик ва идораларида, шунингдек етакчи хорижий ўқув марказларида стажировкадан

ўтиш тизимини ташкил этиш чораларини кўрсин.

■ LexUZ шарҳи

Қаранг: Ўзбекистон Республикаси Вазирлар Маҳкамасининг 2016 йил 2 майдаги 133-сонли «Қорақалпоғистон Республикаси Иқтисодиёт вазирлиги, вилоятлар, Тошкент шаҳри, туманлар ва шаҳарлар ҳокимликларининг ҳудудларни комплекс ривожлантириш йиғма бошқармалари ва бўлимлари ходимларини қайта тайёрлаш ва уларнинг малакасини ошириш тўғрисида»ги [қарори](#).

7. Ўзбекистон Республикаси Вазирлар Маҳкамаси вилоятлар ва Тошкент шаҳар ҳокимликлари, Молия вазирлиги билан биргаликда бир ҳафта муддатда ҳудудларни комплекс ривожлантириш йиғма бошқармаларининг Намунавий низомини, шунингдек, штатлар жадвали ва масъул ходимларнинг хизмат вазифаларини белгиланган тартибда тасдиқласин.

■ LexUZ шарҳи

Қаранг: Ўзбекистон Республикаси Вазирлар Маҳкамасининг 2016 йил 23 мартағи 82-сонли «Вилоятлар, Тошкент шаҳри, туманлар ва шаҳарлар ҳокимликларининг ҳудудларни комплекс ривожлантириш йиғма бошқармалари ва бўлимлари тўғрисидаги намунавий низомларни тасдиқлаш ҳақида»ги [қарори](#).

8. Вилоятлар, Тошкент шаҳри, шаҳар ва туманлар ҳокимликлари бир ҳафта муддатда ҳудудларни комплекс ривожлантириш йиғма бошқармалари ва бўлимларини жойлаштириб, уларни зарур ускуналар, компьютер техникаси, мебель ва алоқа воситалари билан таъминласин.

9. Ўзбекистон Республикаси Вазирлар Маҳкамасининг «Ўзбекистон Республикаси Иқтисодиёт вазирлигининг фаолиятини ташкил этиш тўғрисида» 2003 йил 22 январдаги 37-сон [қарорига](#) (Ўзбекистон Республикаси ҚТ, 2003 й., №1, 10-модда) 5-иловага мувофиқ ўзгартишлар киритилсин.

Ўзбекистон Республикаси Иқтисодиёт вазирлиги вилоятлар ва Тошкент шаҳар ҳокимликлари, Адлия вазирлиги ва бошқа манфаатдор тузилмалар билан биргаликда бир ой муддатда қонун ҳужжатларига киритиладиган ўзгартиш ва қўшимчалар тўғрисидаги таклифларни Ўзбекистон Республикаси Вазирлар Маҳкамасига киритсин, шунингдек норматив-хуқуқий ҳужжатларни ушбу Қарорга мувофиқлаштиришни таъминласин.

10. Мазкур қарорнинг ижросини назорат қилиш Ўзбекистон Республикасининг Бош вазири Ш. Мирзиёев зиммасига юклансин.

Ўзбекистон Республикаси Президенти И. КАРИМОВ

Тошкент ш.,

2016 йил 22 февраль,

ПҚ-2495-сон

Ўзбекистон Республикаси Президентининг 2016 йил 22 февралдаги ПҚ-2495-сон
қарорига
5-ИЛОВА

Ўзбекистон Республикаси Вазирлар Маҳкамасининг «Ўзбекистон Республикаси Иқтисодиёт вазирлигининг фаолиятини ташкил этиш тўғрисида» 2003 йил 22 январдаги 37-сон қарорига киритиладиган ўзгартишлар

1. Қуидагилар ўз кучини йўқотган деб ҳисоблансин:

3-бандининг иккинчи ва учинчи хатбошилари ҳамда 2, 2a, 3 ва 4-иловалар;
4-банди;

2. 7-бандининг иккинчи хатбошидаги «иқтисодиёт ҳудудий бош бошқармалари бошлиқлари» сўzlари чиқариб ташлансин.

3. 5-иловасида (Ўзбекистон Республикаси Иқтисодиёт вазирлиги тўғрисидаги низом):

14-бандининг тўртинчи хатбошидаги «ва унинг ҳудудий органлари» сўzlари ҳамда 22-бандидаги «ва унинг ҳудудий бўлинмалари» сўzlари чиқариб ташлансин;

18-банди ўз кучини йўқотган деб ҳисоблансин.

(Ўзбекистон Республикаси қонун ҳужжатлари тўплами, 2016 й., 8-сон, 75-модда)